

QVÆSTIO MEDICA.  
QVODLIBETARIIS DISPVATIONIBVS MANE DISCVTIENDA  
IN SCHOLIS MEDICORVM DIE IOVIS VIII. IANVARII,  
M. PETRO LE MERCIER, Doctore Medico, moderatore.

834

*An Iecur primum viuens?*

**V**ITA, quæ spiritu & corpore continetur, in caloris cum humore societate posita est; ut enim viuens sine anima: ita absque illo naturali igne existere non potest. Ea quippe vis est caloris, cuius beneficio omne animal cietur & agitur motu suo, sine qua nutriti non potest, neque crescere, cuius denique benignitate vita vitalis est. Vitæ autem est gemina ratio: vna quidem ab actione ipsa non distincta, cuius altera causa esse perhibetur: vita namque est *ὡς πρὸς ψυχὴν*, ut viuere sentire est, mouere, generare, alere: quæ omnia caloris moderationi accepta sunt referenda. Ille verò animæ minister & famulus xui longioris auctor existit, si pabuli fuerit vbertatem nactus, eiusque oleosi, & omni superuacanea humiditate vacui: secus alimenti tabescent inopiâ, aut dissipatur citius, aut corruptelâ deprauatus extinguitur.

**I**LLIVS caloris, qui *ζωτικὴν αἷσιν* complectitur, fons in Iecore situs est, ut etiam sanguinis, cuius exhausta suauitate frigent animalium corpora. Viscus autem illud vitæ principatum meritò sibi vindicat, in quo *ὅθεν αἵματι τῆς εἰματώσεως* natura posuit, cuius ratione iecur omnium quasi parens est partium: cum materiem non tantum educationi necessariam suppeditet: sed & eam, quæ conformationi inseruit, liberalissimè profundat. Quare *ἐν ἱεράτῳ γυνὴ* contemplari licet principis illius partis iacta fundamenta, cæteris nondum adumbratis. Quid enim aliud in ea eminet *προσέχον καὶ ἐκείνη: τὸν ἱεράτῳ ἀναρῶν καὶ ἀδιδόλῳ*?

**H**ÆC profus diuina fuit in hominis fatu Naturæ solertia, cuius *ὁ δημιουργὸς ἐκείνην καὶ διατάττει* pro varijs animæ muneribus insignem apparatus partium maximo quodam artificio fabricatus est. Nam primo conceptionis momento vasorum, quæ suo complexu *γενεῖν* efficiunt, solius hepatis gratiâ videtur distributionem aggredi: quorum radices vtero affixæ in vnuni quasi truncum coeunt, qui totus (ut more dicam anatomico) in iecur inseritur, illicque varias distractus in propagines sanguinem effundit, quo interinania vasorum spatia con crescente exurgit alta iecoris moles, *αἵματος πύρι*, aliarum venarum *ῥέυμα*. Sic in conformando iecore incredibilis fuit pro necessitate celeritas, quum è sanguine materno per superiorem portam irruente compactum est viscus *παχὺν ῥέυμα*, in quo *τὴν ἐκείνην* sedes est. Tunc *ἱεράτῳ νεοπαγῆς* quicquid ex vtero sanguinis illabitur proprijs incipit conficere viribus & adornare, quem in cæteras partes suauitorem transmittat: adeo in his ortus primordijs fœtus, dum vnus hepatis tenetur dominatu nullam cordis & arteriarum opem postulans, stirpium vitam viuat.

**I**ECVR suis iam omnibus completum numeris ex vtraque sui parte singulos deducit sanguinis riuos, quibus, fluminum instar, vniuersum corpus postmodum alluitur: horum inferior è concauis ortus pluresque distributus in tubos earum partium procreationem suscipit, quæ abdominis ambitu coercitæ iecori famulantur: alter verò, qui dignitatis & amplitudinis causâ *ἡπατὶς* est appellatus, ex eiusdem visceris dorso emergens maximam vim sanguinis in cordis regionem transfundit, ex quo illius natura coagmentata est, cuius *τὸ πῶμα* satis superque demonstrat, id ex sanguine peruenas è iecore tractu duxisse originem.

**Q**UEMADMODVM in plantis natura sagax à radicibus procreationis ducit exordium: ita æquum fuit eandem hominis conformationem ordiri ab hepate, cuius absque præsidio, vniuersi corporis fabrica componi non posset. Huius conscia necessitas natura proximè ad vterum iecur collocauit, quò facilius fieret alijs partibus copia sanguinis, sine quo ut nutriti, ita conformari non poterant: ab hepate siquidem emanat vis illa *γενεῖν καὶ αἰσθάνεσθαι* parens, totiusque corporis præclara gubernatrix, cuius nutu & imperio fœtus administratio regitur. Quare in hominis conceptu eo natura ordine procedit, ut quod est maxime necessarium, in primis moliat: idè quæ iecur, à quo partium *ὥστα* rependa est, prius compingit; mox cordis structuram aggreditur, à quo pender animalis salus, ut scilicet, quæ in eo viget, animæ *ἐκείνην* contemperetur: vitimò denique cerebrum perficit, quia in eo vis animæ elucet rationis compos: ita ut alio tempore fœtus nutriti & augeri, alio pulsum edere, alio intelligere incipiat.

*Ergo Iecur primum viuens.*

Proponebat Lutetiæ CLAVDIUS BREGET, Parisinus, Sch. Arch. A.R.S.H.M.DC.XXXVII.

DOMINI DOCTORES DISPVATVRI.

M. Nicolaus Cappon.  
M. Nicolaus Richard.  
M. Petrus le Mercier, Præses.

M. Claudius Guerin.  
M. Petrus Yudin.  
M. Petrus Richer.

M. Claudius Quiquebent.  
M. Thomas Gamare.  
M. Antonius Charpentier.

